



## INDUSTRIJSKA PROIZVODNJA U 2025. GODINI

Podaci o industrijskoj proizvodnji poljoprivredno-prehrambenih proizvoda za 2025. godinu ukazuju na **neujednačeno kretanje proizvodnje po pojedinim grupama proizvoda**. Kod dijela proizvoda zabilježen je izražen rast, naročito u segmentu prerađevina od mesa, mliječnih proizvoda, fermentisanih proizvoda, tjestenina, vode i pojedinih alkoholnih pića. Istovremeno, pad je evidentan kod određenih kategorija svježeg mesa, pojedinih mesnih prerađevina, mlijeka sa nižim sadržajem masnoće, vina i piva. Ukupno posmatrano, od 40 proizvoda rast proizvodnje zabilježen kod 22 proizvoda, pad kod 16 proizvoda, dok su dvije kategorije ostale na istom nivou kao u 2024. godini (Tabela 3). To ukazuje da industrijska proizvodnja u 2025. godini nije imala jednoznačan trend, već se kretala različito u zavisnosti od vrste proizvoda, tržišne tražnje, strukture prerade i kapaciteta pojedinih proizvođača.

**Tabela 1. Najveći procentualni rast u 2025. godini zabilježen je kod sljedećih proizvoda**

| Proizvod                                                  | 2024    | 2025    | Promjena | Rast    |
|-----------------------------------------------------------|---------|---------|----------|---------|
| Ostala pripremljena ili konzervisana riba                 | 17 t    | 62 t    | +45 t    | +264,7% |
| Govedina, junetina i teletina, soljena/sušena/dimljena    | 327 t   | 809 t   | +482 t   | +147,4% |
| Ostali prerađeni ili konzervisani proizvodi od mesa       | 50 t    | 116 t   | +66 t    | +132,0% |
| Ostale tjestenine i proizvodi od tjestenine               | 184 t   | 398 t   | +214 t   | +116,3% |
| Kakao masa                                                | 25 t    | 51 t    | +26 t    | +104,0% |
| Mlad sir, uključujući sir od surutke i urdu               | 81 t    | 140 t   | +59 t    | +72,8%  |
| Kisjelo mlijeko, pavlaka, jogurt i fermentisani proizvodi | 5.725 t | 9.303 t | +3.578 t | +62,5%  |

Izvor: Odjeljenje za ekonomske analize i tržište prema podacima MONSTAT-a

**Tabela 2. Najizraženiji pad proizvodnje zabilježen je kod sljedećih proizvoda**

| Proizvod                                     | 2024       | 2025       | Promjena   | Pad    |
|----------------------------------------------|------------|------------|------------|--------|
| Mast i druga svinjska masnoća, topljena      | 236 t      | 70 t       | -166 t     | -70,3% |
| Mlijeko i pavlaka ≤ 1% m.m.                  | 7.903 t    | 4.149 t    | -3.754 t   | -47,5% |
| Svinjski butovi, plečke i djelovi od njih    | 4.933 t    | 3.495 t    | -1.438 t   | -29,2% |
| Svježe ili rashlađeno jagnjeće i ovčije meso | 325 t      | 258 t      | -67 t      | -20,6% |
| Bijela vina zaštićenog geografskog porijekla | 29.553 hl  | 24.859 hl  | -4.694 hl  | -15,9% |
| Porto, Madeira, šeri i druga vina >15%       | 58.928 hl  | 49.570 hl  | -9.358 hl  | -15,9% |
| Pivo od slada                                | 317.278 hl | 288.046 hl | -29.232 hl | -9,2%  |

Izvor: Odjeljenje za ekonomske analize i tržište prema podacima MONSTAT-a

### 1. Meso i proizvodi od mesa

U sektoru mesa i mesnih prerađevina zabilježena su različita kretanja. Proizvodnja svježeg ili rashlađenog goveđeg i telećeg mesa u komadima smanjena je sa 3.279 t u 2024. godini na 3.015 t u 2025. godini, što predstavlja pad od 264 t, odnosno 8,1%. Proizvodnja svježeg ili rashlađenog svinjskog mesa, trupova ili polutki, takođe je smanjena, sa 3.584 t na 3.482 t, odnosno za 102 t ili 2,8%. Najizraženiji pad kod svježeg mesa zabilježen je kod svježeg ili rashlađenog jagnjećeg i ovčijeg mesa, gdje je proizvodnja smanjena sa 325 t na 258 t, odnosno za 67 t ili 20,6%. Ovaj podatak je značajan imajući u vidu osjetljivost sektora ovčarstva i jagnjećeg mesa, posebno u kontekstu domaće proizvodnje, sezonalnosti i tržišnih kretanja. S druge strane, proizvodnja svježeg ili rashlađenog pilećeg mesa povećana je sa 1.116 t na 1.333 t, odnosno za 217 t ili 19,4%. Ovo ukazuje na nastavak jačanja proizvodnje u sektoru živinskog mesa, koji je u pravilu fleksibilniji i brže reaguje na tržišnu tražnju. Kod mesnih prerađevina kretanja su takođe neujednačena. Proizvodnja svinjskih butova, plečki i djelova od njih, soljenih, sušenih ili dimljenih, smanjena je sa 4.933 t na 3.495 t, što predstavlja pad od 1.438 t ili 29,2%. To je jedan od najznačajnijih apsolutnih padova u cijeloj tabeli. Nasuprot tome, proizvodnja govedine, junetine i teletine, soljene, u salamuri, sušene ili dimljene, povećana je sa 327 t na 809 t, odnosno za 482 t ili 147,4%. Ovo predstavlja jedan od najizraženijih rastova u 2025. godini, kako procentualno, tako i



količinski. Takođe, ostali prerađeni ili konzervisani proizvodi od mesa povećani su sa 50 t na 116 t, odnosno za 66 t ili 132%. Proizvodnja kobasica i sličnih proizvoda od mesa ostala je na visokom nivou, ali je smanjena sa 5.723 t na 5.582 t, odnosno za 141 t ili 2,5%. Ovaj pad nije izražen procentualno, ali je značajan jer se radi o jednoj od količinski većih kategorija mesne industrije.

## 2. Riba i riblje prerađevine

Kod proizvoda od ribe zabilježen je izrazit rast. Proizvodnja ostale pripremljene ili konzervisane ribe, cijele ili u komadima, povećana je sa 17 t u 2024. godini na 62 t u 2025. godini. To predstavlja rast od 45 t ili 264,7%.

## 3. Prerađevine od povrća

U grupi prerađevina od povrća evidentna su uglavnom stabilna kretanja. Proizvodnja krompira, pripremljenog ili konzervisanog, uključujući čips, povećana je sa 110 t na 132 t, odnosno za 22 t ili 20%. Ovo je pozitivan pokazatelj, posebno imajući u vidu mogućnost povezivanja domaće poljoprivredne proizvodnje sa prerađivačkim kapacitetima. Proizvodnja koncentrovanog pirea i paste od paradajza blago je smanjena sa 47 t na 45 t, odnosno za 2 t ili 4,3%, dok je proizvodnja pripremljenih ili konzervisanih maslina ostala nepromijenjena, na nivou od 7 t.

## 4. Mlijeko i mliječni proizvodi

Sektor mlijeka i mliječnih proizvoda pokazuje izraženu promjenu strukture proizvodnje. Najveći pad zabilježen je kod mlijeka i pavlake, nekoncentrovanih, sa sadržajem masnoće do 1%, u ambalaži neto zapremine do 2 l. Proizvodnja ove kategorije smanjena je sa 7.903 t na 4.149 t, odnosno za 3.754 t ili 47,5%. Ovo je jedan od najvećih padova u cijeloj tabeli. Pad je zabilježen i kod mlijeka i pavlake sa sadržajem masnoće većim od 6%, ali manjim ili jednakim 21%, gdje je proizvodnja smanjena sa 968 t na 899 t, odnosno za 69 t ili 7,1%. Surutka i modifikovana surutka smanjene su sa 1.710 hl na 1.509 hl, odnosno za 201 hl ili 11,8%. Nasuprot tome, značajan rast zabilježen je kod proizvoda više faze prerade. Proizvodnja mladog sira, uključujući sir od surutke i urdu, povećana je sa 81 t na 140 t, odnosno za 59 t ili 72,8%. Proizvodnja sira, rendanog ili u prahu, sira prošaranog plavim plijesnima i drugih neprerađenih sireva, povećana je sa 1.147 t na 1.170 t, odnosno za 23 t ili 2%. Najznačajniji rast u mliječnom sektoru zabilježen je kod kisjelog mlijeka, kisjele pavlake, jogurta i ostalih fermentisanih proizvoda. Proizvodnja je povećana sa 5.725 t na 9.303 t, odnosno za 3.578 t ili 62,5%. Ovo je jedan od najvažnijih pozitivnih pokazatelja u ukupnoj industrijskoj proizvodnji, jer se radi o proizvodima sa značajnim tržišnim učešćem i stabilnom potrošnjom.

## 5. Mlinski, pekarski, konditorski i srodni proizvodi

Kod mlinsko-pekarskih proizvoda zabilježena su uglavnom stabilna i blago pozitivna kretanja. Proizvodnja brašna od pšenice ili napolice povećana je sa 4.462 t na 4.482 t, odnosno za 20 t ili 0,4%, što ukazuje na gotovo nepromijenjen nivo proizvodnje. Pšenične mekinje i drugi ostaci dobijeni obradom pšenice povećani su sa 1.529 t na 1.604 t, odnosno za 75 t ili 4,9%. Proizvodnja svježeg hljeba povećana je sa 17.767 t na 19.005 t, što predstavlja rast od 1.238 t ili 7%. Imajući u vidu obim ove kategorije, riječ je o jednom od značajnijih količinskih rastova u tabeli. Kod kolača, peciva i ostalih pekarskih proizvoda sa dodatim zaslađivačima zabilježen je blagi pad, sa 3.847 t na 3.786 t, odnosno za 61 t ili 1,6%. Hrskavi hljeb ostao je na istom nivou, 26 t. Kod tjestenina su kretanja različita. Tjestenina sa jajima smanjena je sa 149 t na 143 t, odnosno za 6 t ili 4%, dok su ostale tjestenine i proizvodi od tjestenine povećani sa 184 t na 398 t, odnosno za 214 t ili 116,3%. Ovo ukazuje na značajno povećanje proizvodnje u segmentu proizvoda od tjestenine koji ne pripadaju osnovnoj kategoriji tjestenina sa jajima. Kakao masa povećana je sa 25 t na 51 t, odnosno za 26 t ili 104%, dok je kafa, pržena, sa kofeinom, povećana sa 1.544 t na 1.668 t, odnosno za 124 t ili 8%.

## 6. Stočna hrana

Proizvodnja stočne hrane u 2025. godini bila je uglavnom stabilna. Ostala stočna hrana za svinje povećana je sa 8.123 t na 8.158 t, odnosno za 35 t ili 0,4%. Stočna hrana za goveda blago je smanjena sa 6.483 t na 6.390 t, odnosno za 93 t ili 1,4%. Stočna hrana za živinu povećana je sa 11.588 t na 11.977 t, odnosno za 389 t ili 3,4%.



## 7. Alkoholna pića

Kod alkoholnih pića zabilježena su različita kretanja. Proizvodnja žestokih pića dobijenih destilacijom vina ili komine od grožđa blago je povećana sa 1.660 na 1.686 hl/l alkohola 100%, odnosno za 26 jedinica ili 1,6%. Votka sa zapreminskom alkoholnom jačinom manjom od 45,5% vol. povećana je sa 2.031 na 2.601 hl/l alkohola 100%, odnosno za 570 jedinica ili 28,1%. Ovo predstavlja značajan rast u segmentu jakih alkoholnih pića. Međutim, kod vina je zabilježen pad. Bijela vina zaštićenog geografskog porijekla iz specifičnih regija smanjena su sa 29.553 hl na 24.859 hl, odnosno za 4.694 hl ili 15,9%. Porto, Madeira, šeri i druga vina alkoholne jačine veće od 15% smanjena su sa 58.928 hl na 49.570 hl, odnosno za 9.358 hl ili 15,9%. Proizvodnja piva od slada smanjena je sa 317.278 hl na 288.046 hl, odnosno za 29.232 hl ili 9,2%. Ovo je jedan od najvećih apsolutnih padova u tabeli, imajući u vidu obim proizvodnje piva.

## 8. Vode i bezalkoholna pića

Kod voda je zabilježen pozitivan trend. Proizvodnja mineralnih i gaziranih voda, nezaslađenih, povećana je sa 81.646 hl na 83.514 hl, odnosno za 1.868 hl ili 2,3%. Znatno veći rast zabilježen je kod nezaslađenih i nearomatizovanih voda, leda i snijega, gdje je proizvodnja povećana sa 350.549 hl na 393.877 hl, odnosno za 43.328 hl ili 12,4%. Ovo je jedan od najvećih apsolutnih rastova u tabeli.

**Priprema: Odjeljenje za ekonomske analize i tržište**



**Tabela 3:** *Proizvodnja industrijskih proizvoda po PRODCOM-u*

| Naziv proizvoda                                                                                                                                                                                                                        | Jedinica mjere | 2024                 | 2025                 |
|----------------------------------------------------------------------------------------------------------------------------------------------------------------------------------------------------------------------------------------|----------------|----------------------|----------------------|
|                                                                                                                                                                                                                                        |                | Proizvedena količina | Proizvedena količina |
| Svježe ili rashlađeno govede i telece meso, u komadima                                                                                                                                                                                 | t              | 3 279                | 3 015                |
| Svježe ili rashlađeno svinjsko meso, trupovi ili polutke (uključujući svježe meso privremeno konzervisano solju)                                                                                                                       | t              | 3 584                | 3 482                |
| Svježe ili rashlađeno jagnjeće i ovčije meso                                                                                                                                                                                           | t              | 325                  | 258                  |
| Mast i druga svinjska masnoća, topljena                                                                                                                                                                                                | t              | 236                  | 70                   |
| Svježe ili rashlađeno pileće meso, cijelo                                                                                                                                                                                              | t              | 1 116                | 1 333                |
| Svinjski butovi, plečke i djelovi od njih, s kostima (soljeni, u salamuri, sušeni ili dimljeni )                                                                                                                                       | t              | 4 933                | 3 495                |
| Svinjska trbušina (slanina prošarana mesom) i djelovi od nje, s kostima, soljeni, u salamuri, sušeni ili dimljeni                                                                                                                      | t              | 468                  | 612                  |
| Govedina, junetina i teletina, soljena, u salamuri, sušena ili dimljena                                                                                                                                                                | t              | 327                  | 809                  |
| Kobasice i slični proizvodi od mesa, jestivih klaničnih otpadaka, krvi ili insekata i prehrambeni proizvodi na bazi njih (isključujući kobasice od džigerice i gotova jela i obroke)                                                   | t              | 5 723                | 5 582                |
| Ostali prerađeni ili konzervisani proizvodi od mesa, jestivih klaničnih otpadaka, uključujući od krvi ili insekata (isključujući kobasice i slične proizvode, homogenizovane proizvode, proizvode od džigerice i gotova jela i obroke) | t              | 50                   | 116                  |
| Ostala pripremljena ili konzervisana riba, cijela ili u komadima                                                                                                                                                                       | t              | 17                   | 62                   |
| Krompir, pripremljen ilikonzervisan, uključujući čips                                                                                                                                                                                  | t              | 110                  | 132                  |
| Koncentrovani pire i pasta od paradajza                                                                                                                                                                                                | t              | 47                   | 45                   |
| Pripremljene ili konzervisane masline (isključujući one u gotovim jelima od povrća, kao i masline koje su sušene, smrznute ili konzervisane u sirćetu ili sirćetnoj kiselini)                                                          | t              | 7                    | 7                    |
| Mlijeko i pavlaka, nekoncentrovani, sa sadržajem masnoće ≤ 1% po masi, bez dodatnog šećera ili drugih zaslađivača, u ambalaži neto zapremine ≤ 2 l                                                                                     | t              | 7 903                | 4 149                |
| Mlijeko i pavlaka, nekoncentrovani, bez dodatnog šećera ili drugih zaslađivača, sa sadržajem masnoće > 6%, ali ≤ 21% po masi, u ambalaži neto zapremine ≤ 2 l                                                                          | t              | 968                  | 899                  |
| Mlečni namazi sa sadržajem masnoće < 80% po masi                                                                                                                                                                                       | t              | 142                  | 153                  |
| Mlad sir (nezreo, neusoljen, nedimljen ili nesušen), uključujući sir od surutke i urdu                                                                                                                                                 | t              | 81                   | 140                  |
| Sir, rendani ili u prahu, sir prošaran plavim plijesnima i drugi neprerađeni sir (isključujući mlad sir, sir od surutke i urda)                                                                                                        | t              | 1 147                | 1 170                |
| Kisjelo mlijeko, kisjela pavlaka, jogurt i ostali fermentisani proizvodi                                                                                                                                                               | t              | 5 725                | 9 303                |
| Surutka i modifikovana surutka, tecna ili u obliku paste, koncentrovana ili nekoncentrovana, zaslađena                                                                                                                                 | hl             | 1 710                | 1 509                |
| Brašno od pšenice ili napolice                                                                                                                                                                                                         | t              | 4 462                | 4 482                |
| Pšenične mekinje i drugi ostaci dobijeni prosejavanjem, mlevenjem ili drugom obradom pšenica                                                                                                                                           | t              | 1 529                | 1 604                |
| Svjež hljeb, bez dodatka meda, jaja, sira ili voća, koji u                                                                                                                                                                             | t              | 17 767               | 19 005               |



|                                                                                                           |                |         |         |
|-----------------------------------------------------------------------------------------------------------|----------------|---------|---------|
| suvom stanju po masi sadrži $\leq 5\%$ šećera i $\leq 5\%$ masnoće                                        |                |         |         |
| Kolači i peciva; ostali pekarski proizvodi sa dodatim zaslađivačima                                       | t              | 3 847   | 3 786   |
| Hrskavi hljeb                                                                                             | t              | 26      | 26      |
| Tjestenina, nekuvane, nepunjene niti drukčije pripremljene, s jajima                                      | t              | 149     | 143     |
| Kakao masa, odmašćena ili neodmašćena                                                                     | t              | 25      | 51      |
| Kafa, pržena, sa kofeinom                                                                                 | t              | 1 544   | 1 668   |
| Ostale tjestenine (sušene, nesusušene, smrznute itd.) i proizvodi od tjestenine (uključujući gotova jela) | t              | 184     | 398     |
| Ostala stočna hrana za svinje                                                                             | t              | 8 123   | 8 158   |
| Ostala stočna hrana za goveda                                                                             | t              | 6 483   | 6 390   |
| Ostala stočna hrana za živinu                                                                             | t              | 11 588  | 11 977  |
| Žestoka pića dobijena destilacijom vina ili komine od grožđa (važno: bez poreza na alkoholna pića)        | hl/ l alc 100% | 1 660   | 1 686   |
| Votka sa zapreminskom alkoholnom jačinom $<45,5\%$ vol.                                                   | hl/ l alc 100% | 2 031   | 2 601   |
| Bijela vina zaštićenog geografskog porekla, iz specifičnih regija                                         | hl             | 29 553  | 24 859  |
| Porto, Madeira, šeri i druga vina, alkoholne jačine $> 15\%$                                              | hl             | 58 928  | 49 570  |
| Pivo od slada (isključujući bezalkoholno pivo) (važno: bez poreza na alkoholna pića)                      | hl             | 317 278 | 288 046 |
| Mineralne vode i gazirane vode, nezaslađene                                                               | hl             | 81 646  | 83 514  |
| Nezaslađene i nearomatizovane vode; led i snijeg (isključujući mineralne i gazirane vode)                 | hl             | 350 549 | 393 877 |

Izvor: Odjeljenje za ekonomske analize i tržište prema podacima MONSTAT-a